

甲申傳信錄

甲申傳信錄卷之六

彭城錢

如著

赤眉寇略

高皇帝得天下類漢高而大行皇帝不與靈獻同風
其亡也忽諸不亦異哉閭與獻曹輩同起繇林為巨
寇而閭獨入長安篡天子僭偽號改元紀年易官名
異服制號令彙切所造守土之吏無敢以暴民亦旬
月之雄也然而竊據四十一日而遽敗乃復載珍寶
大繼父焚宮室肆掠而西與赤眉之去長安而走番

須者無以累身非寇賊之孽而無足與統紀之數哉
志亦眉寇略

李自成初名鴻基陝西延安府米脂縣雙泉堡人以
萬曆丙午歲生曾祖世輔祖海父守忠一名印其家
世有世役頗饒煮餉時自成以里役徵稅歲飢逋稅者
甚衆稱債以償不給官司督之其里父同知又逼其
債莫償遂為村人于秦晉之間號甚魁壯而鼻尖齒
黃短髮蓬鬆衆積改元戊辰正月大雪自成與衆飲
山中衆有羨為官者自成曰若此世界賄賂公行文

官必由七篇文字武士也由策論非輩不讀書不識
字安望有此或者取皇帝未可知也時自成齒長衆
皆躍然曰願哥為之自成曰試卜之遂舉殿一擲得
六紅大喜飲過醉衆皆起作朝賀狀自成曰未也還
當問天因以箭揮雪中拜而祝曰若可作皇帝雪與
矢齊不熟則否其雪適與矢齊遂自負焉明年己巳
賊渠高迎祥稱闖王自成往依之與其黨劉良佐自
結一隊曰闖將十年丁丑同高迎祥冠杰曹文詒尤
世威等與賊潰于潼關秦督盧象昇率祖寬等大破

之秦撫孫博廷又破之殺高迎祥而自成自竄西川窮走苗城十一年隻身潛返奔楚時張獻忠曹操等九顆俱在房竹山中自成往來附獻忠不許至竹溪且謀殺之自成遁去

張獻忠者亦秦人與高聞同時起兵號稱八大王初在殺城受撫復行劫于路張承時擒之復縱焉

曹操者本名羅汝才初與李自成劉國龍同盟依高迎祥迎祥被擒而汝才走楚入竹房十二年己卯國龍乞降汝才勢遂孤十三年楚督楊嗣昌令兵勦之

獻曹奔蜀大兵西追自成復招集亡命百餘人潛渡
入豫計取洛陽群盜復映自成遂為我魁稱閭王會
獻曹復東破襄尋亦曰豫遂與關合十四年辛巳傅
宗龍殺劉國龍而自成破洛遂獨雄一部而汝才改
稱曹營曹營軍皆玄珪山左人自成軍師宋獻策河
南永城人長不過三尺許通呼曰宋矮子云二月攻
汴圍之五日自成督城卒射中左目矢鏃入骨不
能出幾死兵乃退自是自成目遂眇六月獻與閭曹
不合遂奔鄆西閭曹分兵從東南下而秦保之兵一

敗于棗陽再敗于火燒店關勢漸大十二月復建國
汴丁啟秀分勦獻忠退之洵陽獻忠大敗僅以百餘
人東走求附詳左二人忌不與合獻忠因詐死匿深
山中丁督復馳援豫而關因汴是十五年正月關卒
有踰城者汴固守不下鄆陽一戰賊傷過半且以糧
盡解去夏四月秦兵大敗于棗城賊資其中馬火吃
束勢復破歸德五月悉其衆百餘萬復圍汴梁汴復
固守越四月不下當是時督臣楊嗣昌率將諸臣良
玉虎大威楊德政等俱集朱仙鎮良玉以賊勢銳宜

緩攻與大威議不合六月諸將驟進嗣昌兵譟賊乘
亂擊之諸軍盡潰七月劉澤清從東率兵渡河戰敗
而返許定國奉詔援汴不敢渡河汴勢孤危猶守死
不下九月十七日河決汴城水溢遂失汴時蘄黃寇
為禁兵截殺亦來與闖相合而諸賊梁帥為華里眼
賀一龍左狃。大總掌盤子馬守應爭世王賀錦治
世王劉希光胡闖蘭養成胡闖向未掌特營革職奪
左金玉兵與之而諸賊各願為闖偏將惟和革各居
一部然軍事亦皆聽令于闖而其情乃厚曹闖甚忌

爲及破襄陽下荊州令兵鄖陽關令固守夷陵以犯
漣沅華走使安以窺黃麻草在黃坡阻水不全止收
左良玉殘兵八百而回及歸又先見曹闖益恨之十
六年三月初七日闖設酒以邀曹草曹疑不來草至
飲酒竟爲闖所縛初八日五鼓闖率二十騎入曹營
即其帳中斬之其步兵俱入各爲將而曹中軍楊山
旗鼓朱養民將官楊承恩李汝桂王可懷亦有法及
其叔羅戴恩皆痛心切齒欲爲曹報仇矣後三日楊
承恩以親丁數十人奔陝西李汝桂亦于是月鼓噪

奔安遠而關先是偽授和賊永順營英武將軍金印
印重四十八兩相嫌其小不用又自長宜渡江截得
川航客銀十三萬兩關索之止與三萬四千關怒欲
盡殺其家及和在澧關曹章之變中懷疑貳關委調
其帶兵回來相果而不來關既廣收部曲設偽號自
稱倡義文武大元帥謂一品二品為推將軍三品為
制將軍四品為果毅將軍五品為威武將軍六品為
都尉七品為掌旗八品為都總九品為哨總凡偽授
將帥可託者二十六人

提營提督樞將軍田見秀

混名鎖天鵝衆
吁為田副爺

副標樞將軍劉宗敏

狡悍憤激
衆吁為領哨劉將爺
高倚為心腹

副標制將軍賀錦

混名爭世王
衆吁為南宮又
向係蕭黃之盜
又吁賀將爺

副標正威武將軍張鵬

閩義兒衆
又吁為張將爺
小爺

副標副威武將軍党守素

混名亂賊
衆又吁為党將爺
衆吁亂將

標左威武將軍辛思忠

混名虎炳班
衆又吁為辛將爺
衆吁四

標左果毅將軍谷可成

衆吁為頭隊
又吁谷將爺

標右威武將軍李友

衆吁為
二隊

標前果毅將軍任繼榮

係提兵王為馬標下把
提在洛陽投蘭衆吁為三

陳

標後果毅將軍吳汝義

衆呼爲四隊

左營制將軍劉芳亮

周賦傳任衆呼爲左營劉將軍

右營制將軍劉希亮

況名治世王白係嶺黃之衆呼爲右營劉將軍

左營果毅將軍馬世雄

衆呼爲左營馬將軍

左營威武將軍劉汝魁

衆呼爲左營劉將軍

右營左果毅將軍白鵬

衆呼爲白將軍

右營右果毅將軍劉體純

混名飛虎劉將軍

前營制將軍懷宗第

後營制將軍李過

混名一隻虎左目瞎年少曉悍敢前聞甚要之衆呼李副希

前營左果毅將軍謝君友

前營右果毅將軍田虎

原係樞密王紹禹標營隊在洛陽殺周衆呼田將軍

後營左果毅將軍張能

混名五間王性狠喜殺衆呼爲後營張將軍

後營右果毅將軍馬重信

衆呼爲後營馬將軍

副標旗鼓楊彥

原係副將劉國龍旗鼓在葉縣投期如成再將軍因爲旗鼓衆呼楊

希

副標旗鼓趙應元

原係賀一龍旗鼓副殺一龍以同標下衆呼趙將軍

副標旗鼓朱養民

原係羅汝才旗鼓副殺汝才仍同標下衆呼朱將軍

帥標旗鼓范鼎辛

原係守陵參將闕破承天
福入此堂衆呼范將軍

共兵二百三十餘隊標營一百隊左右前後四營
一百三十餘隊每隊馬兵五十廝養卒小兒三十
或四十有差步兵每隊一百或百五十有差總計
馬步兵六萬馬羸二萬每隊立一標旗行營望之
而走營將各制一坐纛標營用白旗以雜色號帶
為別而纛皆用黑左營則用純白旗右營用紅旗
前營用黑旗後營用黃旗而纛之色隨之惟闕用
白纛大纛而銀頂上無雉翎狀如覆釜闕每臨陣

輒領標前自十五年受破剗設偽官初設防樂
使府尹州牧縣令四官而已至十六年王月初一
日欽天監博士楊永裕投闕自稱天文禮樂兵法
地利無所不通陳言獻舉其請發郢陵闕斬牛金
星詆其說不行嗣後時時衝進偽號闕佯辭不許
而心甚善之于是永裕為更設六政府侍郎郎中
從事諸官屈其示約私發悉出永裕手而增授府
同理刑州判縣簿等官俱質其父母妻子使之受
事其分設政尹可記者二十一人

吏政府侍郎喻上猷

原任御史石首縣人辛未進士

郎中徐上

江陵縣恩貢順天己卯舉人

從事顧君恩

鍾祥縣貢生

戶政府侍郎蕭應坤

原任江西南布政司江陵縣人丙辰進士

禮政府侍郎楊永裕

松滋縣人原任欽天監博士

兵政府侍郎王家柱

原任貴池縣知縣江陵縣人丁丑進士

從事傅朝升

江陵縣生員

刑政府郎中鄧岩忠

江陵縣丙子舉人

荊州防禦使孟長康

洛陽縣舉人

荊州府府尹張虞機

長葛縣生員

楊武防禦使陳

蓋

原任榮陽知縣洛陽人甲戌進士駐劄承天

安陵府府尹姚胤錫

商州舉人

襄陽府防禦使李之經

郟縣生員

襄陽府府尹牛

仝

寶豐縣生員金星子

南陽府防禦使吳大雍

鍾祥縣生員

南陽府府尹劉蘇

江陵縣舉人

信陽府防禦使黃

閣

江陵縣舉人

汝寧府防禦使金有希

江陵縣舉人

汝寧府府尹鄧 璉

江陵縣舉人

均平府府尹劉茂先

鍾祥縣生員

初闖之橫踰中原所破城多不守自渡漢長驅至剗見所在無一兵遂有守土之志于是先守剗棄再守承德漸及汝南增立衛帥遣將分據而謀西入秦其所置偽帥凡一十三家

通達制將軍任光榮守剗州

原係剗州守備向在

弟任繼榮呼為內應城破遂入賊營聞得剗州令光榮領兵六千駐守後分兵二十守禮在剗兵止

半田

通達衛左威武將軍蘭養成守夷陵

即混名胡蘭者建武向係

新黃之賊蘭令領原步兵八百駐守

通達衛右威武將軍牛萬才守夷陵

係老細下頭日蘭令領兵

六百分守

帥標都尉張禮分守夷陵

混名張禮原為蘭守役特令撥水兵六百分守

帥標威武將軍王文耀守澧州

先為蘭夜不收令分領兵二千駐守

楊武衛果毅將軍白旺守安陸

先領兵三千駐守承天後因德安有

市止留兵一千守郭餘兵二千駐領形駐

都尉葉雲林守劍門州

係都縣生員蘭兵六百使駐守

帥標威武將軍謝應龍

原係副將羅世家丁精于火器在洛陽投周因進汴

上人不服關撥兵三千駐防陳州之劉家關

左營都尉馬世大守景陵

向在劉芳亮下因景陵土人不服關令領兵六

百駐守之

襄陽衛左威武將軍高一功

關撥兵二千使之駐守

襄陽衛右威武將軍馮

雄

撥兵二千分守

汝寧衛威武將軍韓葦美駐守信陽

原係土寇關破汝時授偽

都司今加此職領兵八百駐守

均平衛果毅將軍周鳳梧守禹鄭二州

原係鎮守營參將去

徽節撫委令守澠及閩浚江鳳梧帶所領兵不至
岳山舉兵無食同而降閩其母妻二子俱在襄陽
閩信而任川之令帶原兵七百駐守等
今將集鄭州中牟土寇共約兵有二千

自閩犯楚以來人心惶懼所在棄城而走張獻忠乘
勢攻取十五年六月襲破黃安十二月二十三日陷
黃梅十六年正月二十五日復陷黃安破蘄州荆蒲
搆遷守道許文政被執尋遇害三月四日蘄水賊寇
周之仕勾賊攻縣遂陷蘄水二十三日陷黃州及黃
陵黃陵叛紳歐陽玘迎賊四月初攻麻城叛黨迎賊
入署知縣事蕭頌聖死之遂從鴨蛋洲渡江掠武昌

縣境省城大震僑輒賀逢聖親率士卒固守不下五
月楚卒糧盡遂陷逢聖死之署江夏縣印徐學顏格
闖遇害巡江都司朱士鼎署賊被刖獻入武昌殺傷
殆盡沿江積屍千里獻既掩襲武昌聞聞之遺書獻
忠欲其附己獻亦甲辭以答未聞彼此為授八月長
沙陷偏沅巡撫王聚奎副總孔全斌先遁推官蔡道
憲被執大罵賊磔死之九月陷衡州巡按劉熙祚衡
陽知縣張鵬翼被執不屈死之十二月二十二日獻
自岳渡江至荊與猺賊合營而勢甚猖獗矣是年秋

八月閻急于西行去楚以故獻得肆行于荆岳間旋
躡楚地無餘十月十四日閻至潼關破之二十日攻
西安又破之按察使黃炯自縊長安知縣吳從義投
井死閻收關中諸鄉紳孝廉至省赴宴先餽各紳銀
六兩孝廉三兩然後令其輸財多至三四千兩或一
二千兩或三四百兩惟舉人免輸以秦王殿為宮增
舊殿為九間地用銅磚鋪之改西安府為長安令百
姓稱老府或帥府而無敢言流賊者矣禁鄉民不得
穿快褲箭衣以別軍民定令以明年正月起每糧一

石派州六千觔解送省城搬運之費倍之每縣發小
號三百頭換米一百石其斗大干民間者三升十一月
十四日遣偽官考州縣生員縣大者一等十名准與
六政府府屬二等十名准與州縣三等十名准與佐
貳縣小者一等五六名有差二等三等准此是月攻
榆林不利又攻之復敗殺傷數萬閭令大隊攻之掘
榆林城為大窖用火炮震之城牆崩數丈遂破榆林
殺人殆盡攻慶陽亦不利并隊攻其東城遂陷慶陽
逆石余議敗復興山西陽穀人甲戌進士死之閭將

攻寧夏至靈州有黃河截界乃止又至蘭州亦以隔
河未渡以故河西五道甘肅諸鎮俱無恙而寧夏總
兵牛成克降賊封伯偽即鎮其地以陳之龍為節度
使漢中府瑞王聞賊勢大遂逃入四川時陝西副總
兵孫守法保護入蜀十二月初五日發兵入漢中十
二日自陝西發兵萬餘至三原十三日至富平十四
日至蒲十一日至韓城所過皆大掠于城中而留韓
城數日二十日賊兵從舡鋪窩渡河攻平陽破之二
十二日從稷山水上過河破稷山河津絳州三縣大

肆搶掠二十三日復渡河去二十四日至安邑燒其
西門知縣房之屏跳入井中賊兵撈出殺之遂圍夏
縣榜垣曲當是時蒲州鎮將高杰于二十三日夜半
開賊已渡河即率兵沿途搶掠至澤州駐于北門差
官持王命旗守縣三門詰空人出入婦女財貨盡不
放行向毛張朱室家輩共勒銀七萬餘兩時都編管
覬以重禮杰念故交差馬兵三名送至青花往原武
而去二十八日高杰王老虎二家兵到處搜奪騾馬
于懷慶青源鎮駐劄

十七年正月初一日闖賊僭位西安僭國號大順紀

元永昌造甲申偽曆先是闖將李蔡二人傳秀才女

女父買二妓并銀四百兩送李蔡贖之李蔡收銀及

妓仍殺其女初三日本生擒于闖。差馬副將捉李

蔡李蔡不服自成親率衆二萬從禹門過河入山西

復攻臨臨晉河津絳州諸城垣曲知縣令生員鄉民

于稷山迎進降表所下城邑即立偽官

垣曲知縣林陵川知縣程

皆闖所設初平陽副將陳開賊渡河即棄城走至正月二

十五日擒岳陽縣曰青源山擒驃馬二月十二日闖

賜九百到黎城偽官教曰鄉里胥報鄉民富戶驃馬
數目闕遂拷掠鄉宦追銀十三日潞安考試儒生遣
兵馬一枝上太原一枝往懷慶彰德潯王府朱門皆
用黑塗而搜平陽及潞安銀日夜運之西安賊兵五
十餘騎至涉縣河西洪洞間殺掠四十餘里先是晉
王出銀三千助守太原至是賊從西南角破城殺太
原知府孫康周山東安兵舉人太原悉降十六日到
忻州犒賞兵士合兵進攻代州破之三月北攻寧武
總兵周遇吉戰甚力殺賊過當而兵少無援遂敗賊

破寧武香之初七日兵至大同總兵姜瓖先出降遂
入大同定之自成既入縛瓖數其賣國之罪命斬之
賊將張天林勸釋不戮初八日瓖為前驅至陽和陽
和將士進降初九日至宣府破之十三日兵至居庸
關總兵唐通太監杜勣悉降遂入居庸十五日攻昌
平破之凡十二陵皆未焚毀連營進逼京師十六日
炮聲不絕如萬電轟烈天地震懼十八日破外城是
夜各門以木枝梯城而上東直門首降十九日平明
德勝平則順城薺化正陽五門一時俱開語具膚謨

留憾時自從成入者偽軍師宋徽宗偽內閣牛金星
偽吏政府尚書宋金郊偽禮政府侍郎聶雄偽吏政
從事顧君恩參謀韓霖及楊王休黎志陞張璘然也
當是時司禮監太監王德化及各監局掌印太監皆
出迎自成悉命照舊掌印由是各招致名下聽選其
留八百餘人餘各令散去關既入乃傳一牌大書云
主以救民水火尅破京城其崇禎逃出紫禁城外書
金為有能投首者賞黃金千兩隱匿者戮其全家又偽
旨獻上者爵候賞金萬于是開搜宮而大內黃金

止十七萬銀止十三萬皆同魏璫與客氏偷空至此聞見之大為駭異臣失所望計登極時賞賜不數矣官搜銀之令由是酷矣又偽令云文武各官俱于二月一日朝見願授職者量才擢用不願者聽其回籍有隱匿者隣佑同斬二十日添各門兵及盡放兵馬入城而各兵至紳士商民家搜集馬騾略無遺者二十一日各官入朝授職者恐後賦皆聚而焚之自晨至暮忍飢以待命者數千牛願成謾罵譏笑之至暮始出點名至周鍾願特下拜云主上飢渴求賢當

破格擢用旋語牛云此名士也即授職牛金星見閻
甚譽之曰真名士也閻曰如何人牛曰善為文章閻
曰何不從見危授命題目初閻不請文義自竄西川
頗事學問而酬對便給矣是日入朝者三千餘人金
星獨拔九十二人用者從東華門出送吏政府不用
者從西華門賊兵露刃排馬五隊押至劉李諸偽將
署二十二日搜索上大夫拘繫路斷行人時閻令兵
政府傳檄郡縣中云君非甚驕而此偏多臣盡行
和比黨而公忠絕少賄通官府朝端之威福日移利

檀宗紳閣左之脂膏罄盡或云此檄為黎志陞所作也二十三日舊內臣敘大行皇帝于茶庵是日東宮二王見闕曰吾當以祀宋之禮待之仍發樞將軍制將軍省收未嘗封也內臣進見疏窄不可戴更之復寬更至三始冠之刺許首痛如裂急除之曰射箭去二十四日用者方巾藍服騎驢小扇遮面俱向牛金星宋金印顧君恩等進門生帖凡在京舊宦除拷掠追贓者率多被用事詳槐園衣冠中二十六日平明被執先教各官仍着小帽青衣至午門叩頭謝罪

外任未迴者復到吏政點名二十八日復廠以各官搜掠財貨肅入偽府絡繹于道不完者收禁候以先是聞贖京師各官藏匿無出迎者欲盡殺之宋徽策乃初止之至二十七日悉派各官概入餉銀內閣十萬部院京堂錦衣七萬五萬三萬科道吏部五萬三萬翰林三萬二萬一萬部屬以下各以千計大率用者派少不用者派多一言不辨即夾有夾于劉宗敏者有夾于各營兵官者有夾于監押健兒處者有夾于熟識各官家者有夾于路次者是日偽都督劉宗

敏夾書役二人于衢至次日午後皆死宗敏者响馬
悍寇也與閻結為兄弟及閻僭號順王遂為君臣其
自署銜云中書營左軍都督府左都督每晨起騎馬
入西華門與閻議事或方巾或白紗帽無冠帶儀從
惟四五騎前導門立磔人柱殺人無虛日大抵皆兵
丁搶掠民財者也自二十三日及二十五日趙置夾
棍數千棍皆有稜鉄釘連綴以夾人無不骨碎至死
者前二人者其陝西楊宋書役也以書奏悞二字以
試夾棍遂斃之二十五日偽禮政府鞫示隨駕各

官率耆老等上表勸進是日偽官有名訪符司者傳
名帖請京紳劉餘祐孫承澤諸事及至揖畢就坐言
主上不日大用二公今借銀乞餉劉借四萬孫借二
萬孫劉唯以爲以隨力措置而出其人遂出囑云須
早計之再遲二日不能從容矣二人相視駭愕而別
四月初一日偽軍師宋獻策奏帝星不明宜速正位
且曰天象慘冽月色無光亟應停朝是日樞將軍劉
宗敏下營點操初二日偽禮政府示文武百官于初
三日再勸登極榜示偽順儀制頒為條約凡文官俱

受權將軍節制行跪禮是日晚自成至劉宗敏偽署
特言所繫各官宜釋者釋之初三日各官如命勸進
乃改期于初八日是日凡各營羈繫有鴻臚寺官盡
收復其原職以備卽依儀制又令禮政選取序班多
員凡街市之人聲音宏亮者悉得與焉自是羣臣楊
觀光日督諸官習儀禮政衙門俟熟習入朝中偽相
牛永聰選舉人次日候選曉點初四日牛金星占服
同黎志陞考試舉人題曰天下歸仁焉蒞中國而撫
四夷也自天祐之吉元不利進考七十餘人大率皆

順天人是時生儒紛紛呈乞考權省闈躋于市井宋
諭之曰開國用人之始即行大比各回靜聽新主試
期是日即示云各省貢鄉試候旨即于中秋舉行時
罷市累日闕慮變起傳諭各將收拾人心贖物已還
者造冊解進在繫犯官量情赦釋因釋數百人而繫
者尚衆初五日榜取寔授舉人五十名量才分職監
生吏員爭趨告考俱不准時更鑄印文符券用大篆
契章用小篆而不改九疊遂不成字閭令所行移文
歸用十字自為字成為承忠為中之類易軌清宮匾

敬天法祖曰敬天愛民檄北直山西舉人入京聽選
考試順天秀才取十二名送國子監讀書改錦衣衛
曰龍衣衛各營兵輪午門直宿走馬直入殿門不集
闕營至萬壽山觀將士騎射左右從者數十人刻永
昌儀注前歲爲令禁疏冗長條約官制祈報朝見儀
節及各官注來稱謂之類鑄永昌錢及當二錢典錢
局者兵部侍郎劉永裕子也題入京城後即點數縫
使織子宮人有寶氏者甚寵之號曰寶妃後國既通吳印臣搜
出之清闕夜宮中宿晨起少吸米飲而出憚用他物或

見諸龍器若有物進之輒震懾初六日再勸止改登
極于十二日自入城後給老本米止數斛馬豆日數
計衆頗怨之老本者衆號老營為老本也號頭目曰
掌盤子大將曰老管隊小將曰老掌家皆劉宗敏統
之聞不能制賊教人為一壘二壘既入軍令頗嚴淫
劫者立時梟磔或割掌或割勢懸示然犯者甚衆賊
初入民舍曰假灶一爨少焉曰借床一牀繼而曰借
汝女妻作伴藏匿者押男子遍搜不從則死安福衛
衛一夜婦女死者三百七十餘人賊以官室花瓶為

馬槽屏至大者搗蒜釐小者注油熨燈時偽兵政府
侍郎王為同鄉人出一門示禁止兵掠劉宗敏大怒
訴諸閹寵其職繫獄一宿出還職初七日闖就宗敏
署議事見偽胥中每夾百餘人有哀號者司不能哀
號者慘不可狀因問宗敏凡進銀若干宗敏以數對
問曰天象示警宋軍師言當省刑獄此輩夾久宜酌
量及之宗敏應諾初八日將諸繫者不論輸銀多寡
盡釋之其黜落斃藏各官暫令精兵押出權住民舍
仍聚一隅不許星散各官有信宿不見米粒者而各

偽將所遺駐銀悉與入內府命令先朝內庫積銀共
百餘萬鐔作子版而穿其中為可運計分遣偽權將
軍郭陞下江東制將軍董學禮下江淮百將軍白鴻
鵠往天津一路催餉而北直等處皆已先遣大小果
毅將軍分駐涿州舊相馮銓父子俱入擒京坐監數
萬初九日鑄九璽不成闔始失色初十日盤祿米分
并大通橋光祿寺諸倉積米現數造冊彙進是日禮
政府示定以十七日登極百官朝賀次日幸學行釋
菜禮以十二日百官于天祐殿前習儀十三日再習

十五日頒詔天下論功行賞廿六日百官于園丘侯
駕廿七日黎明郊祭天地加袞冕即大位諸臣各奏
賀表于後闕西平吳三桂興師且入闕謀數至即調
兵數千趣兵政府侍郎張若騏左懋泰赴鎮發金一
萬銀三萬遣王世忠招左良玉于湖廣而南下之師
此未盡出十一日戶政府遣兵士搜銅鑄永昌錢城
中大擾十二日各官如令至午門習儀文諭院顧君
恩出宮面有憂色疾呼曰且從容諸臣悉退是日復
傳西平兵據闕益募兵西入闕遂殺官百數十員于

平則門外兩臣陳演為首餘皆勳戚皇親也惟周奎
以獻銀十萬兩美女數人獨不殺仍賞錢十千闕叩
劉李二將出其出傑二將耽樂已深無闕意乃下令
親征夜半密運輜重百輛歸陝內帑于是蕩然矣十
三日闕晨起挾西平父吳勣以行自成弑帽蓋布箭
衣束出太子二王各一兵抱持馬上東宮衣綠二王
衣玄布見者皆為隕涕出城時人士擁觀兵呵使退
闕云任百姓看為文武各官送至金水橋禮政府聲
煙出班奏云臣部甚閑司官可刪去戲員闕云官盛

任使可以勸大臣也大隊精兵二十萬盡從齊化門
出而劉宗敏亦行城中惟老弱數千人文則牛金星
大橋間棍洒金扇上帖內閣字王帶藍員領往未拜
客通請同鄉出示棋盤街限商人三日盡行開店武
剛制將軍李迥反賀郭二將留守京都禁約軍丁時
九門已開任人出入各官有棄家眷南行者大窺有
偽死並棺窆其下而潛出都城者或為僧道乞丐而
遁者巡城御史日出巡視備從甚多賊兵見者皆下
馬十七日改大順門曰大順門有告示下宣武門大

街云明當中興言是觀音賜夢不知為誰李將柄帖
示左右殺之當時是賊驅騾騎馱載金銀解圍中者
日以千計二十五日都中微聞賊制將軍劉將城
外房屋督居民盡行拆毀并及佛寺運兵器上城若
守城者而賊衆多相聚耳語或涕泗者二十六日偽
禮政府示稱主上東征不日回京登極凡該管衙門
預先備辦毋致臨期失候是日聞從山海關歸步兵
盡死馬兵一日夜馳五百里心胆消喪大隊入城全
無紀曆人馬盡憊矣初賊兵入止搜馬騾是日以後

通搜及騷無論塞敵俱盡益肆蠹掠夜劫婦人哭聲震天西城婦女填井死者不可勝計時有紀功司李出示禁兵丁劫掠二十七日忽傳登極百官朝賀或揚言云明日即天故預設齋簿于城外而擁將軍先以射駕入城是日賊良棹上樓行用被疊覆手足而出其各兵俱束馱金帛于騾馬紛然而去二十八日聞既即位尊七代考妣為皇帝后更戶禮兵曹各一敕書是夜五鼓聞潛遁而大隊先出二十九日卯刻焚宮殿及各門城樓惟正陽門樓得以存後隊至午

剗盡出榜百姓稅中有行李者不可勝數賊將又誑
百姓出城避閑東之兵犯關者于是都民爭携老幼
負戴出城行未數里即遭劫殺老幼俱盡而驅壯丁
為兵薛所蘊家人衣松江綾絹衣繫銀于腰一如關
兵押解金銀者昧爽出宣武門而去凡隨關舊官皆
有軍丁護送獨新用者無之甚困皆伏匿不敢動而
薛傑獨行傳云宋軍師有密令也日暮百姓各自守
門街巷砲聲自暮至曉不絕是時城中有傳太子在
西平營者士紳共議守保各搜斬遺賊數千自成至

易州南聞之復點兵數千將入屠城會西平兵已有
過郡城而南者聞兵不敢北而西五月初二日吳西
平追賊兵過瑤瑤河而自成復走西安所過山西郡
邑多有閉城拒守者聞輒攻破屠之或人所一手而
榆林大谷為甚初三日攝政王入復遣兵合勦西安
自成南遁武昌明年乙酉滿兵攻之急其秋自成棄
走襄陽至羅公山為土兵所殺獻其首于楚督何騰
蛟表上賊首降其衆數萬

甲中傳信錄卷之七

彭城錢熙著

董狐刺笑

微而顯志而晦婉而成章盡而不污懲惡而勸善春秋所以紀事也予傳甲申事皆以類從大率斷自閏入西安以下其西安以前及殲于敵忠與聞時二三從違之迹不類前簡者綴述于此據事直書其義事見仲尼所言董狐書法不隱愚亦竊有意焉故以刺笑繫之董狐

周藩守汴一

崇禎十四年辛巳二月十一日聞馳騎至汴西門時
撫鎮兵遠屯境外城守未備門大開賊騎不敢入殺
刦驢馬千門內驚始為守禦午後聞賊至四圍力攻
巡撫高名銜暨郡王紳士登陴分守周王出銀二十
萬霽堆城上示能殺賊一名者予銀五十兩十二日
辰刻銅甲賊一名率三十餘衆突至吊橋安昌王府
校尉王國程從城上射賊中脇立斃從卒痛哭扶而
去巡按書其功于冊賞如約國程持銀大呼以勵衆

軍民奮登擊賊。盡力竭攻守者。亦盡刀樂之殺賊。甚夥。十三日。總兵陳永福從南陽督戰士五百。曉夜行三百餘里。涌下四鼓。自賊營殺入城闕。又薄城急攻。流矢中其左目。乍退。十五夜。大肆焚劫。十六日。早盡南去。自十二日至十六日。殺賊三萬餘。城兵被傷者亦數千。城四面穿穴十有七處。破城牆二十餘丈。而賊終不能入。皆圍藩出銀募衆之力也。

守汴二

十四年十二月二十三日。闖賊復至。其勢倍前。攻南

北東三面城中復盡力守禦闔賊矢誓不破汴者不
還兵乃填濠設土墩穿城穴八十餘砲震城墮倒者
百餘丈于是城內起夾城。上設雲梯從夾城道中
下毛裡鉤待賊。穿穴入者即鉤殺之投火燒城外
賊以萬計兵民死于賊砲者給棺殮之官為吊祭卹
其家銀米倍殺賊者以故城中民益効死守守者皆
郡紳富民養餉之越明年壬午正月二日丁督通賊
垂繩引卒上大登北門之月城城既陷知縣王燮喬
死截救得解十三日賊以糧盡退去是役也總兵陳

六死于砲軍民死者幾及萬周王出銀四十萬郡紳
富民令出餉銀十有餘萬而巡撫都御高名銜總兵
陳永福知縣王熨之功多焉賊之去也凡所過歸德
諸境規度因汴之具從此始矣

守汴三

十五年五月初二日聞悉稍兵二百餘萬杞汴自歸
德西連營至許幾四百里南北幾百里熟休于前創
不敢遽薄城下野外麇聚方大熟賊因為糧以困城
城中益死守赴四月不下六月左良玉將兵四十萬

楊嗣昌將兵十六萬次朱仙鎮賊有去志而汴城兵
單不敢出嗣昌兵詳盡潰良玉亦折兵少半退入南
陽七月劉澤清從東率兵至河張天一等渡河一戰
大敗而返由是無片艦南渡矣許定國奉詔援汴士
馬不戒稍散去僅以數騎道遇河北九月十七日河
決水淹汴城汴潰自五月至九月凡百十有六日汴
城士卒掘鼠羅雀不足供食蟻虫蛆蚋悉取啗之八
九月之交水州勦價一兩人肉勦價五兩夫婦兄弟
子女死者恒自相啗不待易而後食也出金市米變

者甚夥然百金不可得升米飢餓死者什七八死者
什二三獲升舡者百一二蓋河伯之靈不欲使忠
義之臣盡殲于闖寇之手也是變也廷撫高名銜總
兵陳永福監軍御史王燮之功為最焉

江朝明

賊破河南新鄭陞任主簿江朝明不肯降賊遭害

顏日愉

河南南陽知府顏日愉字陽華浙江上虞人癸卯孝
廉賊至雒南陽震驚日愉誓死固守賊不敢犯會賊

風大作賊乘程冒雨梯城日愉挺身奮擊衆皆協力
格闔城以不隔日愉中臂傷顛蹙于城上子文學臣
瑋趨扶其櫬而歸遂奔闕叩陳 詔贈同鄉瑋以奔
走致疾亦死

許文岐

十六年正月張獻忠寇蘄州湖廣下江防道許文岐
被不屈執驅至麻城見從賊多麻人密以忠義衝之
暗期從中擊賊以柳圈為號逆矜王固以舊恨沖其
事遂被害臨危歎曰我所以旦夕不死者正為此耳

今既無成天也奈何含笑受刃而卒文政字我西浙
江仁和人甲戌進士

蕭頌聖

十六年四月獻忠攻陷麻城署縣事教諭蕭頌聖自
殺

賀逢聖

獻賊既陷麻城遂從鴨蛋洲渡江掠武昌境武昌大
震宗紳出郭以外或聞元深匿江夏舊輔臣賀逢聖
短衣徒步碎著斐蕭馬金鉞為守禦旦夕登陴與守

城飢卒共飲食間起城陷逢聖整衣冠北拜賊執之
逢聖從容言曰我朝廷大臣不得辱我獻亦重之稱
之曰賀佛推之使去逢聖又向北拜痛哭投入城子
河死時十六年五月也冬十一月二十二日則按
黃河得其屍于河顏生如生其棺殮之蓋百七十日
矣

徐學顏

楚府長史署江夏縣事徐學顏賊至守禦不遺餘力
城陷學顏持小格闘左臂為賊所斷右臂尚持刀不

仆罵不絕口賊支解之

朱士鼎

進江都司朱士鼎胆氣絕倫晚習兵法獻攻武昌獲
之甚喜授以偽提兵官不從手執罵賊去其右手以
左手染血洒賊賊又去左手棄江濱而上鼎不死尚
能縛肘于臂作楷書進按上疏以聞

宋一鶴 蕭漾

承天之陷進撫宋一鶴自刎死幕客沈孟在焉一鶴
字鶴舉北直宛平人庚午鄉薦獻陷承天時鍾祥

知縣蕭濂字象石江西南豐人丁丑進士也被執不屈賊不忍殺羈之空室不食數日題詩千壁而死賊歆其忠為棺殮之

蔡道憲

十六年八月獻鵬長沙自撫臣以下皆竄推官蔡道憲字江門福建晉江人丁丑進士獨不去賊執之使降不屈令叛將尹先民說之憲罵賊三日夜不絕口賊怒甚寸磔之頸已齋斷而腫子尚惘然不暇

劉熙祚

湖廣巡按劉熙祚字思初南直武進人甲子舉人獻
臨永州被執使降不屈遇害于寧鄉孔廟中臨絕時
賦詩二章題永陽驛壁曰惶恐軍旅忽踰年家室並
遠國與前南北結縈已作壘湖湘宮殿倏成煙杜鵑
有血殷青州烏鳥空號暴積田生死莫非由素定并
心留照楚江天其二曰故園隔別又經年此日容顏
非復前州木山川俱涵淚旌旗纔虎總成烟漫勞老
婦尋莊夢寄語兒孫學藝田化碧菰弘非軍事孤忠

遷興抗遷天

張鵬翼

同時死難者湘陰令楊開安東令陳道壽而開以開門殉難開字令泰廣東新

人陽

十六年九月獻臨衡州衡陽知縣張鵬翼被執不屈死之子甫十歲亦執聞父死江干亦赴水賊救起置營中鵬翼號充齊回川西充人貢士

姜瓖

闖入西安榆林總兵姜瓖先起降闖而大同總兵姜瓖陽和副總兵姜瓖皆讓爭也闖將攻大同讓先騎至城下約瓖降闖瓖偽以觀兵設仗出城迎闖降之

瑒復入城開門延賊闖入即縛瑒命斬之而數其罪
曰朝廷以要害重鎮寄若若何首降瑒無辭而闖將
張天林曰將欲定京師而殺首降非所以徇歸順也
不如釋之以招將來之士自成從之遂釋瑒而使天
林鎮大同守之瑒叩謝張曰國家叔大業招徠服
遠之始固應如是何敢當謝闖起宣府瑒兄讓請先
導兵至陽和語其弟瑒并降闖遂命瑒守陽和而
竟取宣府定京師及闖東出敗于關門西遁清兵且
入瑒即單騎走陽和假其弟瑒部兵數百疾趨大同

欲入大同開吳兵將來城守不欲殺天林曰此獨瑤
至必酬向者勸王不殺德也命啟門內瑤并部卒盡
入瑤入即縛天林斬之而守城以待清兵入即以殺
天林賜功鎮

開門迎入

司禮監大監曹化淳初賊幸入自信即從龍至御前
求筆二弟並至都督諸姪率世襲錦衣尋以告休罷
職冠急復起化淳督守彰義門十八日日吳賊砲擊
城甚衆上趨化淳督戰即于將至時詐曰賊已上城

矣城卒奔潰轟聲雷擊不可止化淳開門迎入城遂
不守化淳且先驅導闖入大內焉十九日內城既陷
有鉅鎗頭領內兵千餘人出宣武門而去他僭有隨
之者悉用砲擊回因有言

聖駕在其中者總不知何許人也諸臣初聞登極其表
有云萬姓歸心獨夫授首此堯舜而多武功道湯武
而無慚德一時傳為周鍾之筆而實非也

雲間徐愈同擊劍稿獨此數語非同筆也愈
云嘗于陳侍郎前辨之而侍郎不以爲非

見機先遁

癸未進士之不罹閹禍而見機先遁者石陞也譚貞
良也其餘則仕閹為多而善自匿者不數人焉聊志
其略

石陞陝西人甲申正月

上遣御史李廷泰督師勦賊孫條奏請勅顧單騎西走
遼塞外迎老婦內令遼鎮衛義餉不費朝廷寸兵
粒餉可以恢復西安不願退守西河扼吭延安使賊
不得東渡此善策也其言形勢方略甚具而建泰以
為新進未可驟用議遂寢聞入以報名給諸臣諸臣

親往蔭獨堅守不出四月初旬京師九門俱開蔭遂遁走金陵

譚貞良浙江嘉興人闖入即携妻去其寓避入僻庵矮屋間潛住二十日許遂挈以還人無知其出都者又有曾五典南直太倉人字偉鏐南直泰州人施燦浙江歸安人旅通福建福州人此並不見執而相繼潛遁者也其已報名而未授職者如史夏隆輩尚復數人不可盡知姑闕之

韓霖

韓霖者閩之參謀也山西蒲州舉人平時好名以聲
氣相尚喜談兵都城既陷一時盜名之士多從霖覲
降而王旗鼓亦以山石諸生重聲氣故楊廷鑑同鍾
諸人皆雜處其門多所援解此亦聲氣之力也

貢生妻李氏

李氏者通州諸生賈以祿妻也三月朔祿謀入山避
寇李曰四方多盜何為入山都城數椽可即若社稷
有靈即共無恙否則與國存亡何憾即日入都居焉
數日祿往闕臣魏藻德所語以說

上南遷魏入宿不得見因寓書于蘇德子投之魏答云
神京有金湯之險萬無傷也惟我州兵羸將弱殊為
可慮早脫白奏

皇上仍以前例撥京軍兩營護之當無慮耳祿語婦曰
聞輩誤國非儕無生理矣李曰若然開服片體死不
甚苦即為我國之祿曰逆賊當不盡殺婦人李曰何
作此穢語必母緩祿從之十九黎明服片體盡之少
頃城卒辭潰慮不即死或致辱急置棹閣下奮登懸
帶梁間一躍而絕

劉德源

劉德源涿州人鴻臚寺鳴贊劉源汴子也賊入大索官僚拷掠源汴名亦在索中源亟遷其父乃自當父名就掠因罵賊死杖下父竟得免

高鼎

高斗光不知何許人以三月十三日出獄闖入被執索銀將拷掠其子高鼎生員也挺然代父受之

張士壽

舊吏部主事張文廷解職京師城陷携二老他匿子

士壽居守賊搜及之士壽慮脇僮僕泚父處禍及祖
父母挺身向賊曰我即張公子父為廉官蓋藏甚少
悉我貯之若盡取可也偽將馬偏括之而去後數日
偽將李復執之拷掠備至壽具言為馬將軍掠盡李
令舉姻屬素豪者代壽曰生死分也奈何移禍他人
父繫之不釋四月二十九日賊去恨而殺之

貞女程氏

程氏名全姑蒲山人京衛經歷程士忠女也美容姿
跳謹寡意行止無苟父母絕鍾愛之而全性勤勵工

刺繡善紡績不以父母愛少隋允明大體士忠性嘗
舛戾全每婉曲諷諫靡不怡怡格親心中外咸稱譽
之中申年及笄未字闖入後有偽權將軍見全美麗
欲納之全瞠目大叱曰此頭可斷此身不可辱也賊
繫其父母二弟及妹刺之必欲致全而後已士忠曰
若女受辱我輩雖生猶死不若共死為正衆皆諾全
大哭曰生不得孝侍父母及愛弟妹今因女一人而
斬搖氏祀罪無逭矣遂觸柱求死衆抱住止之全痛
哭絕粒示必死不從賊見其志堅不可奪乃戮刑掠

其父母信創通他日賊以事出防少疎全共其父母
弟妹俱自縊一弟繩斷而竄友等賊歸覩全顏色不
改欲汙其屍、忽轉動賊驚以為鬼物將擊已也避
去而全以繩縊喉未絕復生賊喜溢望外卑言求合
全佯應曰若能贖我父母弟妹方可從若不然即自
刎死賊從之即厚葬其家數人既葬全持刀罵賊欲
擊之因自刎賊大怒奪刀亂擊頃刻而斃母親氏會
稽人儀容亦俊以全故同士忠友男女共盡

趙吏部

趙吏部者楚人亡其名以進士歷官文選司閫入將
欲道禁甚嚴有偽將亦楚人與趙密相接趙與婦謀
計不能共遂使婦依偽將而已可賴以出走婦從之
趙遂以婦贈偽將且從歸同偽將飲偽將德之適以
事出城令趙稭兵卒聞而遁趙適後偽將更娶聞其
聞趙女婦亦安之既而閫敗偽將竟棄二婦適去二
婦對絃死

任之和

京師既陷賊分騎走通州城下大呼京師已下不得

堅守偽弁魏廣勝出糧五百外餉賊州遂破任生名
之和年二十餘家貧母老力學未遇字讀書聞君死
國亡驟起拜母長嘆出門赴河而死州人哭之

萬世道

萬世道字德徵涿州文學生也賊既入兵未及涿逆
生朱萬祺糾叅將李友縉紳士之有貲者迎降賊亡
遣卒繫舊相馮銓世道知事去投井死

張虎

閹寇既陷都城涿州羣生張虎糾起義兵謀泚死之

唐廷秀

三月二十日賊騎過天津天津兵備道已降曾進士
程源過津以書約餉部唐廷秀入城守之廷秀許諾
比至城防海兵大噪劫餉庫盡殺廷秀幾死廷秀字
雲寔曰川雲陽人甲子孝廉也

曹文義

天津道源毓宗秦之蒲人也賊既入都大揭黃旗于
城曰天應民順津門之民皆書民順二字于戶總兵
曹文義單騎斬關出原率兵邀執之而副將金祇總

兵姿光先指揮楊維翰俱叛降賊

方文耀

甲申三月賊至河間河間知府方文耀不降賊挾之
大罵死

景州三生

闔檄所順地方凡舉人生員悉出應試隨才授職一
時冒進者皆歛已自倖景州有二生遺其名獨退並
鋤于野鄉人曰新朝破格求賢公等當向用何自退
耕二生曰我等正非新時莫考止宜鋤耕耳鄉人曰

開新令甚嚴不應命者則一手二生曰飛二人各一手亦任輕稱矣又有王生開都城即閤室中設先皇帝木主旦夕哭之

馬盛

保定府總兵馬盛本東種也開賊破真定盛即殺其妻焚之率部卒出屯深澤縣境後賊湧至盛勢不支披剝而遁不知所之

仰宗玄 于正化 何復 尹洗 劉會昌附

開賊既陷居庸犯京師遣其黨劉宗亮馳寇畿南諸

郡所過悉下賊至河間保定震恐署府事同知邵宗
立力任城守集官紳士庶按劍而盟曰今日之事惟
有死守毋容他志不則有此劍在光祿寺卿張羅秀
倡義守刀贊其事部署既定知府何復監軍太監方
正化皆至相與死守賊至正化手發大砲擊之誓與
降志軍士盡奮砲發震天賊死甚衆三月二十四日
力竭不支遂陷邵宗立方正化何復皆不屈死原任
給事中尹洸孝肅劉會昌同時嚴守賊恨之皆懸其
首于市先是二十一日李建泰退守保定所載銀二

十七輛太監方正化訊之以此銀何用建泰曰此餉銀犒軍者也正化曰真定已陷前去無可犒今獨守保定急保定軍宜犒我為先生發之于是盡舉所藏銀散各軍領之而其銀多建泰私索且內藏黃金過半借餉役車費以西歸正化頃刻散盡建泰嘿不敢言而心甚銜之亟欲正化敗事以逞意矣

劉會昌字凝喜別號赤九清宛人庠年舉人魁岸個儻有負節敢任事保定之役倡義督守西門賊攻急會昌指揮益整城陷群賊搜會昌又城西古廟露刃

詩之昌黎賦此曰我布衣無官職獨恨天下無人致
爾小醜狂犯宗社本欲鼓衆克復神京惜食闕賊以
報

先帝耳賊怒杖之再三猶與其勇壯誘之降堅貞不屈
遂棄其首懸之西關街市

保定張氏一門死節

張羅彥字仲美保定清苑人成化進士前軍都督府
都督僉事張純仁子也純仁去子長羅俊次羅彥又
次羅士羅善羅詰羅輔皆其子彥初授行人崇禎二

年滿洲內入考奉差過家助守保定有功後考選吏部除文選司郎中十一年給假省親滿洲又入復煥守十三年除光祿寺少卿尋被譴家居十五年滿洲火入羅彥益刀守十六年春有給事奉勅過保定夜半叩城門不開給事怒以開言張吏部擅司城鑰詔勿問天下由是知張吏部有守保定門又少從父純仁居塞上父習戎事且好義鄉閭聞之急故人樂為之用甲申春賊帥劉宗亮至河間遠近惶懼兄羅俊曰事急矣吾兄弟當倡義堅守蔽護神京過絕勢國

難其少紓乎不濟則以死繼之固人臣之節也羅彥
曰然保定為神京南蔽人人惶悚若我郡陷則神京
愈危固當急為朝廷守此重地況今久無督臣新郡
守又未至鎮帥且盡領兵去非我輩主之而誰子是
與署府事同知卽為城守數日而知府何監軍太監
方進至備守甚力賊至河間將北向京師聞保定守
不降乃移兵攻保定三月二十一日督師李廷泰遇
賊退守保定獨從親兵百餘騎護餉入城定以保私
索來且欲將保定為贄于賊家丁孔姓為賊說降羅

俊即手擒殺之賊至即攻東門誘降羅彥章密計曰
人懷觀望莫有闐心必發砲斃誘降者則衆志定矣
遂懸重賞發砲先斃賊又進攻城柵密遣鄉兵
從柵中突出擊之賊賊甚衆賊奮攻三日夜不能拔
乃轉攻北垣河立木大置攻其李建泰忽禁賊砲敢
砲同知卻宗玄爭之不得欲投城下死羅彥馳救之
因督守西北時三月二十四日也忽聞京師已十九
日告陷

皇帝殉社稷羅彥大哭曰我誓不與賊俱生必保此一

郡以待四方之共誅盜賊者賊攻西北盜急砲火烽
集羅彥盡出其金銀珠貝器物立賞格以大砲擊殺
賊者立予三百金餘凡砲文中賊輿為賊所傷及誤
自傷者各賞有老城兵矢石砲發如雨賊少却劉宗
亮乃斬其部領數人復急攻期日中不下且撤圍去
而李建泰中軍郭中杰李晉瀾與賊通以項後小白
旗為號已刻西南城失火賊遂乘城羅彥知勢不可
為急歸書其壁曰光祿寺少卿張羅彥義不受辱縊
死井亭時年四十有八妻宋氏年二十四錢氏年十

七俱順天人開城將危皆坐井亭以待及羅彥輝至
宋見先自頸欲速死而彥未絕復與幼女及錢氏共
投井中初羅彥倡義閭二妻曰汝輩將如何告曰願
從主父羅彥曰亦有死耳皆泣下曰願從死城陷果
如其言羅彥子晉邑庠生見父自頸引領命僕劉之
僕不忍想呵之即自投井中年二十有六婦師氏年
二十劉急朝夜坐井傍比陷師急投入井以絕夫慮
云

張羅俊字元美癸未進士賊攻保定知倡守者為張

吏部供呼羅彥名詬訾之及城陷索張氏最急羅俊
從衆超出中擊賊首仆地嚼其一耳大呼曰汝等指
為霸城不下張羅彥者我弟也我即其兄張羅俊誓
不求生反賊可速殺我賊爭前殺之連創數刃而死
年五十一羅俊子仲邑庠生先住他所聞父在危城
中求奔難及城陷投街中井而死

張羅善字舜卿邑庠生甲申春聞陷山石開驚書懷
有云逆寇氛橫起王畿勢漸危吾徒寧仗節何計可
這時又云坐居感慨悲歌他日誦唐虞孔聖謨撥亂

此時須俊杰成仁取義屬我徒或有言闢為仁義帛
伐之師者羅善法而歎曰國家二百七十年教養未
嘗有負士子奈何至是寇急怖兄登陴及陷兄死其
勿死羅善曰有死節之臣不可無死節之士終不忍
見兩兄皆死我獨生因睨其婦及女皆入井奪仲兄
羅彥所歆與同死彥曰我受爵祿厚義當死汝無朝
廷恩養可不死善弗聽趨投井視井中皆婦女乃向
彥下拜歸投其室前井中妻高氏年四十一有女三
人賊攻城急噪曰吾死止留男不留女及城陷先投

次女子并求小女子于懷携長女同下

張羅輔字中堂癸未武進士好勇能挽強善射射必命中賊至米城射賊晝夜無少休走憚伯兄欲潰圍出以為後嗣羅俊不從賊入輔引弓射之應弦而倒莫敢近頃之矢盡而家丁負矢者已先遁乃持刀砍賊擊賊甚衆賊并衆圍之滿身受賊鋒矢創多遂死妻白氏年三十時歸在母氏家聞變遽欲入井衆出之白曰我夫豪杰城陷必死豈留可妻子不若人耶且張氏一家勢必盡死我將何歸衆皆聞之或以板

覆井少間白以汲水結去覆板長女甫八歲呼曰兒
未看井中何物女就視遽推入之遂自下遺一子一
女甚幼以失母故並死

張羅士妻高氏早寡撫遺孤十有七年城圍即相策
勸死及陷或諷之降輒然曰吾為妻婦久必待受辱
死乎遂縊

張羅詰妻王氏年三十二賊至方歸省母聞圍急遽
反羅詰怪問之曰歸欲與子同死耳既而泣語羅詰
曰我婦人懼辱義必死子男子兄弟六人如皆死即

絕而父母後何思羅詰燕之變形易服從水門亡去
王與高同縊

李氏者張純心繼室也年七十有曰純心為羅彥伯
父已即世久賊急李氏以兩孫婦年少勵以死節及
城陷遇賊厲聲曰我張羅彥伯母忠臣家城破當死
何惜老命遇不絕口被創破體而死孫媳徐氏年二
十五張震妻也城危謂祖姑曰太夫人年老且欲死
我年少何為不死城陷投井死婢兒喜兒年十七亦
投井死 劉氏年三十一震兄葵妻也與其嫂劉萬

化妻胡氏並孀居城陷胡氏遽投井死劉曰嫂。且
死我守節十年肯汙賊乎遂亦投井而死

張氏義大

保定之臨張氏家死者長幼共二十二人後賊至羅
參見宋衆屍及壁書皆激悅有流涕者羅參屍在井
亭及女婦屍出自井中者暴露三日無敢厠獨三大
守護之烏鳶不能下賊亦窺之一大噓其足絕柙指
去賊大駭退乃令人藁埋之後三十五日賊敗遁家
人始收殮之顏色如平時

金毓峒 姪振孫

宣大監軍御史金毓峒保定人甫受命至真定而宣
大已陷賊兵且至恒陽因退守保定資取賞甚夥城
陷一綵衣賊執之入三皇廟使謁偽將毓峒大叱罵
之且曰我不恨噬爾首何豈與爾賊輩行禮耶奮拳
仆賊投廟門大井而死妻王氏聞城陷即自縊左右
解之輓然曰爾輩誤我潛入後苑監室中再縊家人
無知者越三日始得其屍 毓峒姪振孫年二十八
壬午武科也饒膂力善射同時登城射賊輒斃城陷

衆悉解我衣自匿振孫獨否曰此武夫本色也賊執而詰之曰我御史金毓珮之姪金振孫也遂遇害

陳氏曰婦曰婢附

保定既陷故進士陳士章妻張氏士章子郡庠生宗瞻妻楊氏宗瞻子文學僑婦常氏僑妹文學金嬰妻陳氏凡三世四人同時投井死時張氏抱孫仔于懷遂同下侍婢四人馬兒桂春山花菊花亦攜手共下從而殉焉

王廷初母張氏附

保定癸未進士王延稱母聞城陷即投井死延稱妻
張氏曰姑可以不死而死亦當死何先亦為亦投入井
死

王世琇女

前歸德府推官王世琇保定人也汪穢賊破歸德世
琇死之其女適一儒生婚未幾遇變聞攻城聲輒脫
服以待及城陷人曰賊上城矣趨赴井死時年十六
也

劉御史

保定之陷一時殉難最夥乃有舊端黨臣劉獻其女
于賊將而求官者

朱廷煥

朱廷煥字中白山東單縣人甲戌進士大名兵備道
甲申春移書鎮江太守錢良輔言時勢將傾身在必
死兒幼擇煩為蔭護辭致激昂闕既犯闕牌至大名
廷煥劈而碎之守其城下降至賊民譟城乍陷賊鄉
廷煥大木上射之煥罵不絕口斷其舌而斃

劉養貞

劉養貞字念衡四州邛州人年未壯士官武選司主事三月二十日痛哭

先帝于茶庵其義之不加害闕既遁晦跡布衣賣卦都市人取三分至今僑居宣武門外不改其業

劉勣

劉勣字敬子初齊也世居京師善飲頗豪研思篆隸崇禎丙子舉人試論類子發聖人之蘊以聖字从耳从口从王立說禮部諸疏後二年

上特原之復其舉人喜愠不形于色闕入後棄書不事

諸子雜買貨物為食困餓甚憊或子冬予往見之時
衣單衣露肘履襪之敝雖東郭原憲不足喻集童
蒙數人脩葺徽客言曷不取經學弟子訓之動曰
何忍以制典買食且子尊法仲尼之意何居但真定
間有歲可依若無道路費耳徐憇募數金贈之去而
耕于灤城之野